

欽定禮記義疏卷第七十六

燕義第四十七

正義孔氏穎達曰案鄭目錄云名曰燕義者以其記君臣燕飲之禮上下相尊之義此於別錄屬吉事案儀禮目錄云諸侯無事若卿大夫有勤勞之功與羣臣燕飲以樂之勤勞謂征伐聘問詩曰吉甫燕喜是也臣有王事之勞亦燕之故燕禮記云若有王事是也

通論呂氏大臨曰古之君臣賓主之相接有饗有燕有食

饗禮凶矣獨燕食之禮存焉儀禮公食大夫禮是也

案儀禮下

當有燕禮及三燕以飲為主食以食為主故燕禮之始主

案防本之漏耳

人酌以獻賓薦脯醢設折俎而無黍稷食禮之始主人親

設醢醬太羹。宰夫爲主。菹醢之豆六。三牲魚腊腸胃膚之
俎七。黍稷之簋六。牛羊豕之鉶四。宰夫執觶酒設於豆東。
而不獻。此燕食之別也。饗禮雖無文。然雜見於傳記之間。
饗以訓恭儉。燕以示慈惠。饗有體薦。燕有折俎。又云。几設
而不倚。爵盈而不飲。又云。若不親饗。致饗以酬幣。又云。大
饗卷三牲之俎於賓館。故知饗禮之始。如燕之始獻。言爵
盈而不飲。則啐而不卒爵矣。言有體薦。則俎肉不折矣。言
几設而不倚。則無脫屣而升堂矣。又有酬幣。又卷俎歸於
賓館。此燕饗之別也。蓋燕者主於接歡。故至於請安請醉。
旅酬無算爵。少紓其敬也。故其辭曰。寡君有不腆之酒。以
請。吾子之與寡君須臾焉。此所以示慈惠也。古之燕禮有

天子燕諸侯者。湛露之詩是也。有燕羣臣者。鹿鳴之詩。及
記云。君與卿燕。則大夫爲賓。與大夫燕。亦大夫爲賓。是也。
有燕賓客者。則記云。若與四方之賓燕。聘禮云。燕羞俶獻。
無常數。大行人云。上公三饗。三食。三燕。是也。有燕族人者。
文王世子。公與族燕。則以齒。是也。有養老者。王制云。凡養
老。有虞氏以燕禮。夏后氏以饗禮。殷人以食禮。周人脩而
兼用之。是也。陳氏祥道曰。近自九族同姓。與夫兄弟朋
友之親。而遠至乎諸侯君臣。與夫蠻貊夷狄之邦。莫不有
恩。以見其愛。有義。以盡其禮。故禮行而人說。而天下服者。
此乃古之所以爲燕也。行葦之序曰。周家忠厚。故能內睦
九族。而其詩有或歌或詠。洗爵奠斚。是所謂燕九族同姓

也。與頌弁之刺異矣。常棣之序曰。閔管蔡之失道。而其詩有兄弟既具。和樂且孺。是所謂燕兄弟也。與杖杜之刺異矣。伐木之序曰。友賢不棄。不遺故舊。而其詩有矧伊人矣。不求友生。是所謂燕朋友也。與谷風之道異矣。若夫燕諸侯。則有湛露。燕羣臣嘉賓。則有鹿鳴焉。湯氏三才曰。諸侯無事。朝畢而燕。一也。卿大夫有勤勞之事。君燕勞之。二也。卿大夫聘還。燕之。三也。四方聘客。燕之。四也。

存疑 呂氏大臨曰。有因燕而射者。大射禮是也。陳氏祥道曰。燕夷狄。則所謂蓼蕭澤及四海是已。其詩曰。燕笑語兮。是以有譽處兮。夫以湛露之諸侯爲中國。則蓼蕭之所以燕諸侯者。皆謂之四海。豈非夷狄與。

案此當云因射而燕者。燕禮記云若射則大射正爲司射如鄉射之禮是也。至于大射則因祭而射以擇士。又因射而先行燕禮。不得謂之因燕而射。蓋燕禮之射重在燕。大射之燕重在射也。如陳以蓼蕭爲通及賓客則可。謂專燕夷狄不確。至先王之燕夷狄。經無明文。乃若夷狄食禮。則周語舌人食之委之牲體而坐諸外。由此推之則燕夷狄可知。四夷之樂不使亂雅而陳于門。則燕夷狄所歌之詩亦無考。

古者周天子之官有庶子官。庶子官職諸侯卿大夫士之庶子之卒。掌其戒令。與其教治。別其等。正其位。國有大事則率國子而致於大子。唯所用之。若有甲兵之事則授之以車甲。合其卒。

伍置其有司以軍法治之司馬弗正凡國之政事國子存游卒

使之脩德學道春合諸學秋合諸射以考其藝而進退之卒依注作

倅七對反大子之大音泰卒伍之卒子忽反正音征

正義鄭氏康成曰職主也庶子猶諸子也方氏慤曰諸庶皆眾也諸侯而下長

倅皆在所掌所以為庶其異名猶周官宗伯記曰宗人周官甸師記曰甸人也周禮諸子之官司馬

之屬也卒讀皆為倅孔疏此庶子之卒下游諸子副代父者

也戒令致於大子之事孔疏其事非一故云戒令教治脩德學道也位朝

位也孔疏此等諸子雖未為官皆繼父尊卑以為等級國子諸子也軍法百人為卒

五人為伍國子屬大子司馬雖有軍事不賦也游卒未仕者

也孔疏周禮師氏職凡國之貴游子弟學焉注云學大學也

貴王公子弟游無官司者是游逸尚未仕也射射宮也燕禮有庶子官是以義載此以為說孔疏燕禮云主人升自西

階獻庶子於阼階上又云庶子執燭是燕禮有庶子官

孔氏穎達曰此官職主諸侯

及卿大夫士眾庶之子副倅於父之事所以官名庶子也教
謂教學治謂治身周禮諸子職則云掌國子之倅此云諸侯
卿大夫士之庶子庶眾也以其適子眾多故總謂之庶子非
適子庶弟而稱庶子也必知適子者以云倅是副貳於父之
言王制云王太子王子羣后之太子卿大夫元士之適子是
也國有大事之時則進致諸子於太子唯任太子隨時所用
也若國有甲兵之事則庶子之官付授以車甲合會之以卒
伍置立之以有司謂立其主將使統領之用事旅之法治理
也正役也諸子既統屬太子隨太子徵發司馬不得征役之
也凡國之政事謂力役土功胥徒之屬國子存游卒者未仕

者之中。既不與尋常政事。但使之脩行其德。學習道藝也。仲
春之時。合此諸子在於大學。仲秋之時。合此諸子在於射宮。
庶子之官。考核其藝能之高下而進退之。呂氏大臨曰。古
人爲國。其使君臣相信。非一日積也。天子君之貳也。國子之
倅。諸侯諸臣之貳也。以諸侯諸臣之貳事其君之貳。學相同。
則好相合矣。王制曰。春秋教以禮樂。冬夏教以詩書。是也。事
相同。則情相信矣。率國子致於天子。唯所用之是也。故天子
雖未爲君。君臣之交相際已久。賢不肖之別已悉。可任使之
才已備。則先王所以慮後世者。不爲不豫也。戒令謂任之征
役也。別其等。謂父兄爲之等也。正其位。謂在朝廷則尙爵。在
學校則尙齒也。國有大事。謂大祭祀。大喪紀。大賓客。大燕饗。

之類。甲兵之事。謂師旅之役也。國之政事。謂凡力役田獵追
胥之事。未仕則庶人。力役田獵追胥之事。不舍。然以國子之
倅。將使之脩德學道。故舍征而存之。以養材也。方氏慤曰
戒則戒之。使勿怠。令則令之。使有爲。教則教之以其藝。治則
治之以其事。知其戒令而後可以教治之也。等。謂上下之等
位。謂貴賤之位。周官師氏教國子。保氏養國子。地官掌邦教
也。故師保以教養爲主。夏官掌邦政也。故庶子以戒令爲主。
甲以自營。兵以勝敵。合其卒伍。則聯之有數。置其有司。則帥
之有人。所謂以軍法治之也。軍法者。司馬之所正。治之以軍
法。而司馬弗正者。致之在於庶子。用之在於大夫。以國之貴
游。不可以常民畜之故也。合其卒伍。置其有司。所謂戒令。春

合諸學。秋合諸射。所謂教治也。戒令庶子之職。所主教治。庶子之職。所兼也。馬氏晞孟曰。司馬治之。則處之以義。司馬弗征。則優之以恩。春合諸學。而教之以文。所以順陽。秋合諸射。而教之以武。所以順陰。葉氏夢得曰。辨其等。則親疏有序。正其位。則貴賤有等。所謂庶子之官治。而邦國有倫也。

通論 李氏觀曰。王者之師。其備矣乎。非直興於閭里。抑又取於世族。彼以父祖貴富。且有報上之心。而況學習德行道藝。孰不知忠孝之美。佐之以金革。則與夫子賞蹈利傭徒鬻賣者。蓋有閒矣。且太子將爲君。國子將爲臣。君臣之分未定。而恩義固已接矣。則今日之游卒。未必不爲嗣王之將帥也。轡長馭遠。有如是哉。

案庶子。國子。卒游倅。總是諸侯卿大夫士之適子。將來承襲父爵。代父宣力者。合眾言之曰庶。養於國學曰國。副貳曰倅。未仕曰游。卒。其庶子官。則統率之官名也。

辨正芮氏城曰。此燕禮乃諸侯之禮。與天子官何與。周禮夏官諸子職掌。與燕飲何與。雖經內有獻庶子及庶子執燭之文。然其受獻。士舉旅以後。其執事與甸人闈人相聯。乃諸侯官之最卑者。燕禮之行。貴者眾矣。不舉其職。而先最賤者何哉。刪之為當。案此必它書斷簡。掇拾者見下有士庶子就位於下字。遂取以附此耳。今姑另斷為一章。

存疑孔氏穎達曰。天子謂之諸子。諸侯謂之庶子。其職掌則

同。

案周禮司馬之屬有諸子。此記又言天子有庶子官。而所載

庶子職之說。則猶是周禮諸子職文。則庶子卽諸子。註說是也。此下皆諸侯禮。而此則首言庶子官。則諸侯亦有庶子官。與天子同。賈以諸子屬天子。庶子屬諸侯。不知記固明言天子有庶子官也。

諸侯燕禮之義。君立阼階之東南。南鄉爾卿。大夫皆少進。定位也。君席阼階之上。居主位也。君獨升立席上。西面特立。莫敢適之義也。鄉許亮反。適作敵。案爾卿下當有卿西面北上。爾大夫八字。文闕耳。

正義鄭氏康成曰。定位者爲其始入。踧踖揖而安定也。孔

氏穎達曰。燕禮之初。君獨升立於阼階之上。明君尊莫敢適之義也。皆引燕禮正經。記者以義說之。案燕禮卿大夫皆入門。右北面。君南鄉爾卿。卿西面北上。爾大夫大夫皆少進。皆

北面所以然者。定羣臣之位也。莫敢適言。莫敢與君敵體爲禮也。呂氏大臨曰。燕禮射人告具。小臣設公席於阼階上西鄉。公升卽位於席西鄉。而與燕之羣臣皆未入也。諸臣未入。而君特立於席明是燕也。君爲之主。非諸臣之敢敵也。君旣卽位。小臣納卿大夫士皆入門立。公乃降立於阼階之東南。南鄉爾卿卿西面北上。爾大夫皆少進。爾近也。進之使前也。方氏慤曰。卿大夫在北面。故鄉而爾之。欲其皆少進以定位故也。君獨升席上西面特立者。西面則居東。主居東則賓宜西。賓居西。則主與之對立矣。而此言特立者。方見賓莫敢居西而與之敵也。始則南鄉。示君道也。終則西面。示主道也。示君道者。待之以臣禮。示主道者。待之以賓禮。至於待之

以賓禮猶莫敢居賓位以相敵焉是乃所以深明君臣之義也。

在陳氏祥道曰定位小卿次上卿大夫次小卿士庶子以次就位是也。

案所云定位蓋中庭立位也陳以下文席次言之誤矣。

設賓主飲酒之禮也使宰夫為獻主臣莫敢與君亢禮也不以公卿為賓而以大夫為賓為疑也明嫌之義也賓入中庭君降一等而揖之禮之也。亢苦浪反為疑之為去聲

正義鄭氏康成曰設賓主者飲酒致歡也宰夫主膳食之官

也。方氏慤曰此即天官之膳夫非天官之宰夫亦謂之宰夫者皆以宰制為事也杜贊言贊宰夫刀匕是供即此天

子使膳宰為主。

方氏慤曰為獻主攝主人而獻賓也膳夫供食飲養王以養王者養賓王之厚意也

公孤也。

孔疏此諸侯燕臣而稱公故知是上公得置孤孤止一人而燕禮云諸公者鄭注彼云容收有三監也

案天子不以公爲賓諸侯不以卿爲賓或通天子言之。

疑自下上至之辭。

孔疏疑擬也是在下比擬

於上故云自下上至之辭

公卿尊矣復以爲賓則尊與君大相近。

孔氏

穎達曰公卿朝臣之尊賓又有敵主之義若以公卿爲賓疑

其敵君也爲其嫌疑故使大夫爲賓明其遠嫌之義也賓既

至庭君降階一等而揖之是以禮待於賓也。

呂氏大臨曰

既爾卿大夫然後射人請賓公曰命某爲賓賓以大夫不以

公卿之貴疑於君也賓入及庭公降一等揖之公升就席乃

以宰夫爲主人以獻賓臣不敢亢君也君不敢以己尊莫亢

而必伸賓主之敬臣不敢以己爲賓而必屈君之尊君盡君

之禮以下下故賓入及庭降一等揖之賓受爵拜君皆答拜